



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 42. Quæstiones Imperatori Græcorum a Papa propositæ.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. XLI.

Sæcul. XV.

A. C. 1439.

Imperatoris postulatio de danda Græcis facultate publice sacra faciendi.

Absoluta Decreti subscriptione, Imperator postera die Papam rogabat, ut sacrum Sacrificium in eadem Ecclesia celebrandum Græcis concedat, assistente ipso Pontifice, Cardinalibus, ac Præsulis Latinis. Papa missis ad Imperatorem Cardinalibus, quam Lithurgia uterentur, edoceri voluit; Cum vero illam Archiepiscopus Rhodius eis exposuisset, hi totam rituum rationem ad Pontificem referunt, qui, priusquam publice sacris operari græcis permetteret, aut ipsemet Papa eorum Sacrificio præsens interesset, consultius fore iudicabat, si ex cujusdam Græci Sacerdotis Missa privatim, & juxta eorum ritum celebrata certius caperetur experimentum, utrum in eorum Liturgiis, quod offendere posset, quicquam occurrat. Græcorum Imperator comperito Pontificis responso sibi ab Oratoribus delato aquievit, nec amplius petitioni suæ institit.

§. XLII.

Quæstiones Imperatori Græcorum a Papa propositæ.

Pontifex apud Imperatorem plures alias,
Gg 5 quæ

Sæcul. XV.
A. C. 1439.

quæ Græcorum Liturgiam respiciebant, movit quæstiones. Inter alia sciscitabatur, cur Orientalis Ecclesiæ Sacerdotes panem postea offerendum in plures tum majores tum minores particulas dividant, easque in oblatione pani divino ac Dominico, seu majori, quam in memoriam Domini offerunt, particulae conjungant: Quare inuenturæ capita, cum nondum consecrata deseruissent sacra munera? Cur in sacrum Calicem aquam ferventem infundant? Quam ob causam Episcopi non inungant sacro Chrismate, sed Sacerdotes, cum tamen hoc Petificibus sit reservatum? Quare mortuos ad sepulturam oleo inungant? Cur Sacerdotes & Episcopi sacrum facturi, non prius confessionem emittant? Quare post Consecrationis verba hanc subjungant orationem: Fac panem quidem hunc pretiosum Corpus Christi tui: & transmutans ea Spiritu Sancto tuo, Amen, Amen, Amen? Cur conjugia dirimant? & tandem quare de capite non eligant hic Patriarcham, sed velint aliter sine capite.

Archiepiscopus Mitylenensis ad Petram destinatus canonice omnia legitimeque dissolvit, præterquam duo, cur scilicet Matrimonium dirimantur, & Patriarcha non eligatur. Quid vero Præsul iste ad propositas quæstiones responderit, acta silent. Exstat tamen egregium ac longe utilissimum opus Petri Arcudii Presbyteri Cœcylæ

syraei: *De concordia Ecclesiae Occidentalis, Saecul. XV. & Orientalis in septem Sacramentorum administratione, ex quo plura perspicere licet.*

§. XLIII.

Sententia Graecorum de conjugis.

De dissolutione Matrimonii tunc Graeci nihil respondere poterant, nisi quod *matrimonia absque iustis causis non dirimant*: cum tamen praecipua controversia in eo versaretur, quod Graeci existimarent, licitum esse matrimonium in causa adulterii non modo dirimere, sed & novum contrahere: Latini vero propugnarent, conjugium quidem ob hoc crimen *quoad thorum, & cohabitationem*, ut Theologi loquuntur, non autem *quoad vinculum* dissolvi posse, ac proin nec ad alias nuptias transire permissum. Cujus doctrinae veritatem idem Arcudius ex ipsis antiquorum tum Graecorum, tum Latinorum Patrum auctoritatibus invicte demonstrat. Insuper apud Ruardum Taperum insignem Lovaniensem Theologum legimus, Graecos sacrae paginae testimoniis ad id demum fuisse in Synodo compulsos, ut Confirmationem vere esse Sacramentum agnoscerent, quod eos antea negasse idem asserit. Verum hac de re nulla omnino mentio in Actis Synodalibus occurrit.

Post-

*Taper to. 2.
art. 12, de
Confirm.*